



ESHAARA EZIRIKUCWA ENJEGYERE

**ESHAARA Z'OKURWANA
ORUGAMBA EZIRIKUCWA**

**ENJEGYERE
EZITARIKUREEBWA
EZIKOMEIRE EMIGISHA
OMU BUKWATWA!**



Table of Contents

Okutona	1
Entandikiro / Enyanjura	2-3
Ebihandiiko ebirikwera	4-5
ebyokwemereraho	
Eshaara y'Okusiima n'Okuhimbisa	7
Eshaara 70 Ez'okucwa enjegyere.....	8-22
Ebirangiro by'obusinguzi	23
Eshaara z'okuhendera	24

OKUTONA

Ekihandiiko eki ninkitona Yesu Kristo,
emporogoma ya Yuda, We
orikucwanyagura emiteehimbwa,
akaseetura buhooro enkwatwa. Ahari
Mutima Orikwera,
Omucwi-w'enjegyere, orikurandura
obukwatwa bwa ibara muringo. Kandi
ahabwa ibara mwikiriza orikusherura
obugabe bw'okuhikiiriza eki
Ruhanga yaamuhangiire.

ENTANDIKIRO/ ENYANJURA

Abakundwa omuri Kristo, emigisha
mingi ekomirwe enjegyere
ezitarikureebwa- emigoye
y'ebby'omutima erikwinegyezibwa
emikyeeno, eby'obufumu, ebikomire
omutima, hamwe n'endagaano mbi.
Enjegyere ezi, nizikora mpora
bwesherekye, zirikukyerereza
enteekateeka, zirikuremesa
entunguuka, n'okuremeseza abantu
omu mwetoororo.

Kwonka obushoboorozi bwa Ruhanga
nibubaasa kucwa ibara rujegyere!

Omu kitabo ky'Ebyakoziawe **Entumwa 16:26**, Paulo na Silasi ku baabaire nibashaba, “ahonaaho haabaho omutsitsa mwingi, ogwatengyetsize ekihome n'obuhamizo bwakyo. Enyigi zoona zaiguka, n'enjegyere ezaabaire zikomire embohe zoona zaaragara!”

Eki n'ekitabo ky'eshaara z'okurwanisa orugamba, ekijwiremu eshaara z'okucwanyagura ibara rujegyere rw'okukyerereza, rw'okuremesa, n'okukwatira abantu omu bukwatwa, n'okukuseetura buhooro okaza omu ntuura y'okuba gye n'okwijurizibwa.

EBIHANDIIKO EBIRIKWERA EBYOKWEMERERAHO

* “Acwera gye emanja abarikusingisirizibwa; aha ebyokurya abarikwitwa enjara, arekura embohe. Nyakubaho ahumuura empumi, aimutsya abeinamiriire, kandi akunda abahikiriire.” (*Ekyevugo 146:7-8*)

* “Nyakubaho naagira Kuuro ati: Ndyakwebembera, ndingaanize ahataringaniire. Ndyahendagura enyigi z'emiringa, mpirimbure empimbi z'ebyoma.” (*Isaaya 45:2*)

* “Ekyo kiro omu itumbi, Paulo na Silaasi ku baabaire nibashaba kandi nibeeshongora eby’okuhimbisa Ruhanga, obwo ezindi mbohe zibategire amatu, ahonaaho haabaho omutsitsa mwingi, ogwatengyesize ekihome n’obuhamizo bwakyo. Enyigi zoonza zaiguka, n’enjegyere ezaabaire zikomire embohe zoonza zaaragara.”

(Ebyakozirwe Entumwa 16:25-26)

* “Kandi ku mwaihirwe omu kibi, mwahinduka abahuuku b’okuhikiirira.” *(Abarooma 6:18)*

EKICWEKA 1

ESHAARA Y'OKWETEISA N'OKWEZIBWA

Otakacwire njegyere, banza oyeze omutima gwawe, oyangire kimwe endagaano z'omwirima ezeesherekire.

Eshaara y'okweteisa.

Omu iziina rya Taata, n'erya Mwana, n'erya Mutima Orikwera. Amiina.

Taata omunyambabazi, omu iziina rya Yesu, ninyija omu maisho gaawe n'omutima guhendekire. Ninyeteisa ebibi byangye byona-ebyo ebi ndikumanya n'ebi ntarikumanya.

Mukama Yesu, onsaasire ahabw'okutahikirira okw'omuringo gwona, obugomi, hamwe nomutima gutakweheriire kimwe .

Ninyangira kimwe ibara ndagaano y'obwesherekye, ibara ntebeekanisa y'omuzigu aha magara gangye.

Nyozya n'eshagama yaawe
y'omuhendo, ompindure ekikwato
ky'ekitiinwa.

Mutima Orikwera, yeza omutima
gwangye, ongaruremu okushemererwa
kw'okujuna kwawe, ompamyemu
omutima gurikukworobera. Amiina.

EKICWEKA 2

ESHAARA Y'OKUSIIMA N'OKUHIMBISA

Taata, ninkusiima ahabw'obusingye
obwantungiirwe aha musharaba.

Mukama Yesu, ninkuhimbisa
ahabw'okuba niwe onsetura buhooro
kandi omucwi wenjegyere .

Mutima Orikwera, ninkuhimbisa
ahabw'obushoboorozi bwawe obu
bukwatwa butakaabaasa kugomera.

Yebare, ahabw'okuba n'obu mba
ntakashabire, enjegyere ziba
zaatandikire kucweka! Amiina.

EKICWEKA 3

ESHAARA Z'OKUCWA ENJEGYERE

Hati, ote omutima aha shaara 70
ezirimu oburangi bw'okucwa
enjegyere.

A. Okucwa enjegyere ahabw'obukuzaaha kw'eby'omutima

1. Omu iziina rya Yesu,
nincwanyagurira kimwe buri rujegyere
orutarikureebwa orunkomeire omu
bukwatwa.

2. Ahabw'amaani ga Mutima
Orikwera, nimariraho kimwe buri
mugoye ogukomire amagara gangye
g'okushaba.
3. Mukama Yesu, nkomoorora okuruga
omu njegyere z'okuhuma amaisho,
hamwe n'okusiraana.
4. Omwiziina rya Yezu
Ninyekomoorora kuruga omu nkomo
za Sitaane ez'okuguma hamwe.
5. Ahabw'eshagama ya Yesu,
nindangirira obusingye obuhamire omu
mutima gwangye.

B. Okucwa emikyeeno ahabwa baatatenkuru-itwe hamwe n'obukwatwa obw'akarande

6. Omu iziina rya Yesu, ninyihiraho
kimwe ibara mukyeeno gw'orujegyere
rw'eby'obuhangwa omu shagama
yangye.

7. Mutima Orikwera, nkomoorora aha matambiro g'eby'obuhangwa agarikunyendaho omugisha gwangye.

8. Mukama Yesu, komoorora omugoye gw'endagaano z'ekika, ezikomire okugyenda omu maisho kwangye.

9. Ahabw'obushoboorozi bw'omu iguru, ninshazamu ibara rujegyere rw'akarande k'okuremwa, hamwe n'okuhemuka.

10. Nindangirira okuba gye kw'eka yangye, hamwe n'ab'oruzaaaro rwaitu orurikurataho, omu iziina erya Yesu!

C.Eshaara ezirikucwa enjegyere z'akakwate k'eby'obufumu n'oburaguzi

11. Omu iziina ery'amaani erya Yesu, nincwanyagura amaani g'omugoye gw'eby'obufumu ogutwire gunkomeire ahansi.

12. Mutima Orikwera, taataanisa ibara nkora y'omwirima erikwinegyeza obukwatwa aha magara gangye.

13. Mukama Yesu, hwerekyyereza ibara ndagaano y'eby'okuraguza ekozirwe omu iziina ryangye, nari omu iziina ry'ekika kyaitu.

14. Ahabw'omuriro, ninshariraho kimwe ibara rujegyere kuruga okuzimu omunsi y'omwirima, nari omu maani mabi ag'omukaabunga.

15. Nindangirira ibara kintu kyona eky'oburogi ekigyendereire kuumara amaani, ku kitakiine mugasho ahabw'eshagama ya Yesu!

D.Eshaara ezirikucwa enjegyere aha mize hamwe n'emitwarize mibi.

16. Omu iziina rya Yesu, nincweraho kimwe ibara rujegyere rw'omuze (gugambe).

17. Mutima Orikwera, nkomoorora kuruga omu binkwatiiremu ebitarimu obwa Ruhanga, ebimpindwire omuhuuku.

18. Mukama Yesu, hwerekyerereza kimwe omuze gwa ibara kibi ekindemeiremu.

19. Ahabw'eshagama ya Yesu, ninyangira kimwe ibara muze ogurikundemesa obuhikiriire.

20. Nindangirira ku ntakiri muhuuku w'ekibi, baitu ori mwere omuri Kristo Yesu!

E.Eshaara ezirikucwa enjegyere z'obukwatwa bw'obwonko hamwe n'ebiteekateeko.

21. Omu iziina rya Yesu, nincwanyagura enjegyere z'obwoba, ekihika hamwe n'okuzambaara omu bwonko.

22. Mutima Orikwera, nkomoorora kuruga omu bironda by'ebiteekateeko hamwe n'okweshobera, ebikomire omutima gwangye.
23. Mukama Yesu, nyihaho omutwaro gw'okurimbagirirwa n'okwehwa amatsiko omu magara gangye.
24. Ahabw'omuriro ogurikwera, nincwekyereza ibara mwetororo gw'obushaarire, hamwe n'obutasaasira.
25. Nindangirira ku nyine oburungi bwa Kristo, nyijwire obusingye hamwe n'obugwagye omu iziina rya Yesu.

F. Eshaara ezirikucwa enjegyere ezirikuremesa kutunga esente

26. Omu iziina rya Yesu, nincweraho kimwe ibara rujegyere rw'obworo, hamwe n'okugumirwa omu by'entaasya.

27. Mukama Yesu, komoorora esente zangye kuruga omu bubiiko n'omumikono ya Sitaane.

28. Mutima Orikwera, hwerekyereza ibara mugoye ogutakureebeka, ogunkomire kuguma ndi omu bwetaagi n'obutagira ebirikumara.

29. Ahabw'eshagama ya Yesu, nindagira ku eby'entaasya byangye biruga omu banyagi.

30. Nindangirira okutunga ebirungi birikuruga omu iguru, kandi omu bwijwire! omu iziina rya Yesu.

G. Eshaara ezirikucwa enjegyere ahabw'obusingye bw'eby'obushwere hamwe n'emikago

31. Omu iziina rya Yesu, nincwanyagura orujegyere rw'okukyerereza eby'obushwere, hamwe n'okwangwa

32. Mutima Orikwera, ninyesharaho
omutima gwona ogutari gw'obwa
Ruhanga ogutwire gunywine
n'omutiima gwangye gukankomera
omu bukwatwa.

33. Mukama Yesu, bingira kimwe ibara
itambiro ry'entenda-bushwere
eririkundemesa kuba gye.

34. Ahabw'obushoboorozi bwa Kristo,
nincwa ibara rujegyere rw'omukyeeno
orutwiire rukomire emikago yangye.

35. Nindangirira okugarurwa busya
hamwe n'obusingye omu bushwere
bwangye, n'omu magara g'eka
n'emikago yangye omu iziina rya Yesu

H. Eshaara ezirikucwa enjegyere z'ekika n'okukomoororwa kw'obuzaare

36. Omu iziina rya Yesu,
nincwanyagura ibara rujegyere
rw'obukwatwa orukomire ekika
kyangye.

37. Mukama Yesu, komoorora eka
yangye kuruga omu mwetoororo
gw'okuremwa.

38. Mutima Orikwera, komoorora
ab'oruganda rwangye kuruga omu kufa
bakiri bato, hamwe nokumarwaho
zabutandu.

39. Ahabw'amaani g'omu iguru,
ninshazamu ibara ntuura mbi
erikurabira omu karande kangye
k'eshagama.

40. Nindangirira ku eka yangye
erikwija kugyendera omu businguzi,
hamwe n'okuhikirira omu iziina rya
Yesu

I. Eshaara ezirikucwa enjegyere ahabw'okurekura emigisha

41. Omu iziina rya Yesu, nincwa ibara mugoye ogunkomeire omu muhanda mubi, nari omu bwire bubi.

42. Mutima Orikwera, komoorora emigisha yangye kuruga omu njegyere z'amasitaani.

43. Mukama Yesu, remesa amaani ga sitaani goona agashitamiire okubagye kwangye kwa hati na nyenkyakare yangye.

44. Ahabw'eshagama ya Yesu, ninkomoorora ebiconco byangye ebi nahairwe Ruhanga.

45. Nindangirira ngu ninyija kuhikiiriza omurimo gwangye ogu Ruhanga arikumpeereza, hatariho kukyerererwa kwona! omu iziina rya Yesu

J. Eshaara ezirikucwa enjegyere kuruga aha bangizi endeme

46. Omu iziina rya Yesu, reka ibara muzigu ondemeireho andekure, kandi ayegarukemu.

47. Mutima Orikwera, zambaaza ibara muzigu orikukora obutaruha ngu mburwe obusingye.

48. Mukama Yesu, juna omuzigu weena orikwetwaani kuba owamaani kundemesa emigisha yawe kandi oyeganseemu.

49. Ahabw'encwamu erikwera, nimpunamisa ibara iraka eribi eririkweshongora eiziina ryangye ahabw'obubi.

50. Nindangirira Okwegarukamu kwa ibara mwangizi wangye, otairweho kumbonabonesa omu iziina rya Yesu.

K. Eshaara ezirikucwa enjegyere ahabw'amagara hamwe n'okukizibwa

51. Omu iziina rya Yesu, nincwa ibara
rujegyere rw'endwara ezitarikukira,
hamwe n'ez'akarande.

52. Mutima Orikwera, shemeza
omubiri gwangye ibara kirwiire
ekyakuba kyabyirwemu Sitaane.

53. Mukama Yesu, shumuurura amaani
gaawe agarikukiza ahari ibara kicweka
ky'omubiri gwangye.

54. Ahabw'eshagama ya Yesu,
ninshazamu ibara ntebeekanisa
y'abashaho erikuhakanisa okukunda
kwa Ruhanga.

55. Ninyerangiriramu amagara
agarikuruga omu iguru, hamwe
n'okuhangaarira omuri Yesu Kristo!

L. Eshaara ezirikucwa enjegyere ahabw'amahanga, hamwe n'ensharo z'amahanga

56. Omu iziina rya Yesu, nicwanyagura ibara rujegyere rw'amahanga, orutuura rukwatiire abantu bangye omu kubonabona.

57. Mukama Yesu, komoorora ensi yangye kuruga omu bategyeki abarikukoresibwa Sitaane.

58. Mutima Orikwera, reeta omuriro gw'okujunwa, oguraije kucwanyagura enjegyere z'obushambani hamwe n'obuhwa-nshoni.

59. Ahabw'amaani agarikuruga omu iguru, ninyegaruriza ibara kitebe ekyakwatsirwe omwirima omu kyanga kyangye.

60. Nindangirira obusingye n'okuhikiirira omu ihanga ryangye omu iziina rya Yesu!

M. Eshaara ezirikucwa enjegyere ahabw'okugarura ebintu byona omu buteeka

61. Omu iziina rya Yesu,
nincwanyagura orujegyere oririkuguma
ruremeise emigisha yangye, hamwe
n'eshaara zangye ezaagarukirwemu.

62. Mukama Yesu, ikiriza ngarurirwe
buri mugisha gwona ogu omuzigu
atwire akomeire ahansi.

63. Mutima Orikwera, komoorora ibara
kintu ekyashahwirwe omu magara
gangye omu magingo agaahwaireho.

64. Ahabw'ekiragiyo ekirikwera,
ninzoora emyaka yoona eyaafiire
hamwe n'emigisha, emirundi mushanju
omu iziina rya Yesu

65. Nindagara omu magingo
g'okugarukira kimwe busya, hamwe
n'eiguru erishuurukire omu iziina rya
Yesu!

N. Eshaara ezirikucwa enjegyere ezirikuhereruka kuhika aha businguzi

66. Omu iziina rya Yesu, nindagiira ibara rujegyere rw'obuhuuku okucweka hati!

67. Mutima Orikwera, ahabw'amaani n'obushoborozi bwawe hamya omurinye obusingye n'obusinguzi.

68. Mukama Yesu, reka ibara rujegyere rwa Sitaane rugumizemu rucwekyiire kimwe ebiro byona.

69. Nindangirira obusinguzi obutaine kikomo, hamwe n'obusingye aha magara gangye omu iziina rya Yesu.

70. Ahabw'obushoboorozi bwa Kristo, ningyendera omu busingye obutaine bugarukiro, okuhikirira hamwe n'okwesiima!

EBIRANGIRIRO BY'OBUSINGUZI

- * Ibara rujegyere rucwirwe; hati ningyenda buhooro!
- * Tihariho mugoye gw'omwirima ogurikubaasa kugaruka kukoma emigisha yangye.
- * Ekika kyaitu naanye, tukomoroirwe kuruga omu nkomo z'akarande.
- * Ningyenda omu maisho, hatariho ekirikunzibira, kandi ndi omusinguzi omuri Kristo.
- * Emigisha yangye y'omu maisho ekomororiirwe kimwe, ebiro byangye by'omu maisho biboneire, kandi n'obujurizi bwangye n'obw'okugumaho ebiro byona!

ESHAARA Z'OKUHENDERA

Taata, ninkusiima ahabw'okunyahaho
ibara rujegyere orutwire runkomire.
Mukama Yesu, yebare ahabw'obusingye
obu naatungire ahabw'okwetamba
kwawe aha musharaba.

Mutima Orikwera, mpwera ngume
ningyendera omu businguzi bwawe buri
izooba.

Nindangirira ku amagara gangye, eka
yangye hamwe n'emigisha yangye,
byakomorererwa kimwe.

Tataitwe owomwiguru.....x3

Kasingye Maria.....x3

Ekitiinwa kube ahari Patiri.....x3

*Omu iziina rya Taata, n'erya Mwana,
n'erya Mutima Orikwera. Amiina.*

**Rev. Fr. Alexander
Mwebembezi**

**Mbarara Archdiocese,
Uganda - East Africa**

Testimonies



+256 769 391 762

Donate

Gift a book to many



A/C No. 3204978413
(Alexander Mwebembezi)



+256 776 688423
(Alexander Mwebembezi)



+256 706 398 126
(Alexander Mwebembezi)

For more books, Log on to:

www.fralexandermwebembezi.org

MoMo Pay

754 379

airtel Pay

6738107